

官常典第五百九十九卷

臬司部彙考

唐

唐設觀察使掌所部善惡後改名巡察使又爲按察使按察採訪處置使雖隨時增改而職掌則一按唐書百官志觀察處置使掌察所部善惡舉大綱凡奏請皆屬於州

注

貞觀初遣大使十三人

巡省天下諸州水旱則遣使有巡察安撫存撫之名神龍二年以五品以上二十人爲十道巡察使按舉州縣再周而代景雲二年置都督二十四人察刺史以下善惡置司舉從事二人秩比侍御史揚益并荆四州爲大都督汴兗魏冀蒲綿秦洪潤越十州爲中都督皆正三品齊鄆涇襄安潭遂通梁夔十州爲下都督從三品當時以爲權重難制罷之唯四大都督府如故置十道按察使道各一人開元二年曰十道按察採訪處置使至四年罷十七年復置十道京都兩畿按察使二十年曰採訪處置使分十五道天寶末又兼黜陟使乾元元年改曰觀察處置使

遼

唐

太宗貞觀六年置舟楫令以掌運漕

按唐書太宗本紀不載

按百官志注貞觀六年置舟楫署

有令一人正八品下掌舟楫運漕漕正一人府三人史六人監漕一人漕史一人典事六人掌固八人

元宗開元二十七年以李適之爲河北海運使

按唐書元宗本紀不載

按會要開元二十七年

十二月以李適之爲幽州節度河北海運使

天寶三載以長安令韋堅爲水陸運使及江淮租庸轉運等使

按唐書元宗本紀不載

按食貨

志李齊物入爲鴻臚卿以長安令韋堅代之兼水陸運使

按冊府元龜天寶三載左常侍兼陝州刺史韋堅開漕河自苑西引渭水因通渠至華陰縣入渭引

永豐倉及三門倉米以給京師名曰廣運潭以堅爲天下轉運使初堅爲長安令以幹濟稱天寶元

年擢爲陝郡太守充水陸運使堅以漕運通於京師歲益鉅萬乃召水工審地脈於咸陽壅渭水作

興成堰截灞澹並渭而東至潼關永豐倉下與渭合遂於苑東望春樓下穿潭以通舟楫旣成帝親

幸望春長樂宴羣臣堅素備東京船數百艘於潭側每船皆標榜曰某郡船中悉貯本郡貨物連互數里觀者如堵帝甚歡下詔曰萬代之利一朝而成將允叶於永圖豈苟求於縱觀韋堅始終檢校夙夜勤勞宜特與三品仍改授三品官判官以下節級酬獎所役人夫酬庸外放一年地稅賜其潭以廣運爲名堅加銀青光祿大夫左常侍其陝郡太守水陸運使及江淮租庸轉運使並如故

肅宗上元二年置丞掌運漕隱失 按唐書肅宗本紀不載 按百官志注上元二年置丞二人正九品下掌運漕隱失

寶應元年始以鹽鐵轉運使劉晏兼漕運 按唐書肅宗本紀不載 按舊唐書食貨志寶應元年五月元載以中書侍郎代呂諲是時淮河阻兵飛輓路絕鹽鐵租賦皆泝漢而上以待御史穆寧爲河南道轉運租庸鹽鐵使尋加戶部員外遷鄂州刺史以總東南貢賦是時朝議以寇盜未戢關東漕運宜有倚辦遂以通州刺史劉晏爲戶部侍郎京兆尹度支鹽鐵轉運使鹽鐵兼漕運自晏始也德宗建中元年詔停轉運租庸使以杜佑權勾當江淮水陸運使 按唐書德宗本紀不載 按舊唐書德宗本紀建中元年春正月甲午詔東都河南江淮山南東道等轉運租庸青苗鹽鐵等使尚

古今圖書集成
書左僕射劉晏頃以兵車未息權立使名久勤元老集我庶務悉心瘁力垂二十年朕以征稅多門鄉邑凋耗聽於羣議思有變更將置時和之理宜復有司之制晏所領使宜停三月癸巳以韓洄判度支令郎中杜佑權勾當江淮水陸運使

貞元二年以韓滉爲江淮轉運使專領諸道轉運等使 按唐書德宗本紀不載 按崔造傳貞元二年造以給事中同中書門下平章事乃建言天下兩稅請委本道觀察使刺史選官部送京師諸道水陸轉運使度支巡院江淮轉運使請悉停以度支鹽鐵務還尙書省六曹皆宰相分領於是齊映判兵部李勉刑部劉滋吏禮二部造戶工二部又以戶部侍郎元琇判諸道鹽鐵榷酒事吉中孚度支諸道兩稅事而浙江東西歲入米七十五萬石方歲饑更以兩稅準米百萬濠壽洪潭二十萬責韓滉杜亞漕東渭橋諸道有鹽鐵處仍置巡院歲盡宰相計最殿以聞造厚元琇故首命之時滉方領轉運有寵於帝朝廷仰其須滉持不可改帝重違之復以滉爲江淮轉運使餘如造請是秋江淮米大集帝美滉功以滉專領諸道鹽鐵轉運等使懼托疾辭位

宋制諸路置發運使副判官掌山澤財貨轉漕之事而都轉運使掌一路財賦 按宋史職官志發運使副判官掌經度山澤財貨之源漕淮浙江湖六路儲廩以輸中都而兼制茶鹽泉寶之政及專舉刺官吏之事熙寧初輔臣陳升之王安石領制置三司條例建言發運使實總六路之出入宜假以錢貨繼其用之不給使周知六路之有無而移用之凡上供之物皆得徙貴就賤用近易遠令預知在京倉庫之數所當辦者得以便宜蓄買以待上令稍收輕重斂散之權歸於公上則國用可足民財不匱矣從之既又詔六路轉運使弗協力者宜改擇且許發運使薛向自辟其屬又令舉真楚泗守臣及兼提舉九路坑冶市舶之事元祐中詔發運使兼制置茶事至崇寧三年始別差官提舉茶鹽政和二年罷轉般倉六路上供米徑從本路直達中都以發運司所拘綱船均給六路宣和初詔發運司視六路豐歉和糴上供乃祖宋舊制曩緣姦吏侵用糴本遂壞良法自今每歲加糴一百萬石同年額輸京三年方臘初平江浙諸郡皆未有常賦乃詔陳亨伯以大漕之職經制七路財賦許得移用監司聽其按察於是亨伯收民間印契及鬻糟醋之類爲錢凡七色是後州縣有所謂經制錢自亨伯始六年詔復轉般倉命發運判官盧宗原措置尋以靖康之難迄不能復渡江後惟領

給降糴本收糴米斛廣行儲積以備國用紹興二年用臣僚言省罷以其職事分委漕臣八年戶部復言廣糴儲積之便再置經制發運使以徽猷閣待制程邁充使專掌糴事邁上疏以租庸當平鹽鐵鑄各分於諸司而總於戶部發運使無所用之固辭不行九年遂廢發運司以戶部侍郎梁汝嘉爲經制使校察中外失陷錢物與催未到綱運措置糴買總領常平爲職未幾復以臣僚言分其責於逐路監司乾道六年復置以戶部侍郎史正志爲兩浙京湖淮廣福建等路都大發運使是冬以奏課誕謾貶并廢其職

都轉運使 轉運使 副使 判官掌經度一路財賦而察其登耗有無以足上供及郡縣之費歲行所部檢察儲積稽考帳籍凡吏蠹民瘼悉條以上達及專舉刺官吏之事熙寧初詔河東河北陝西三路漕臣許乘傳赴闕留毋過浹月旣又詔三路漕臣令自辟屬各二員以京朝官會歷知縣者爲之二年詔川陝閩廣七路除堂選守臣外委轉運司依四選例立格就注免赴選具爲令元豐初詔河北淮南京東西及陝右雖各析爲兩路許依未析時通治兩路之事錢穀聽其移用元祐初司馬光請漕臣除三路外餘路毋得過二員其屬官溢員亦省之紹聖中詔淮浙江湖六路上供米

計其遠近分三限自季冬至明年八月以次輸足大觀中陝西漕臣以四員爲額政和中又詔陝西以三員熙寧兩路各二員宣和初又詔陝西以都漕兩員總治於長安而漕臣三員分領六路中興後置官掌一路財賦之入按歲額錢物斛斗之多寡而察其稽違督其欠貢以供於上間詣所部則財用之豐欠民情之休戚官吏之勤惰皆訪問而奏陳之有軍旅之事則供餽錢糧或令本官隨軍移運或別置隨軍轉運使一員或諸路事體當合一則置都轉運使以總之隨軍及都運廢置不常而正使不廢若副使若判官皆隨資之淺深稱焉其屬有主管文字幹辦官各一員文臣準備差遣武臣準備差使員多寡不一

太祖建隆二年以盧俊爲京東發運副使 按宋史太祖本紀不載 按玉海建隆二年九月癸酉以盧俊爲京畿東路發運副使

乾德元年置諸道轉運使 按宋史太祖本紀不載 按玉海乾德元年以沈義倫爲京西韓彥卿爲淮南轉運使諸道置轉運始見此

乾德二年以何幼沖充京畿東南水陸發運使 按宋史太祖本紀不載 按玉海云云

開寶六年春正月丙辰置蜀水陸轉運計度使 按宋史太祖本紀云云

太宗太平興國三年置轉運判官 按宋史太宗本紀太平興國三年夏四月乙亥置諸道轉運判

官

太平興國七年詔別置水陸發運兩司以王賓等掌其事 按宋史太宗本紀不載 按王賓傳太

平興國七年汴漕壅滯軍食不給詔別置水陸發運兩司以賓有心計會領濱州刺史與儒州刺史

許昌裔同掌其事

雍熙四年併水陸發運爲一司 按宋史太宗本紀雍熙四年夏四月丁未併水陸發運爲一司

按燕翼貽謀錄皇朝初下江南置水路陸路發運二司運江南之粟以贍京師其後以陸路不便悉

從水路雍熙四年四月詔合水路陸路發運爲一司以王繼昇主之董儼爲同掌自此迄於宣和不

改

端拱元年三月癸未廢水陸發運司 按宋史太宗本紀云云 按食貨志端拱元年罷京城水陸

發運以其事分隸排岸司及下卸司 按樊知古傳知古端拱初遷右諫議大夫河北東西路轉漕

使賜白金千兩兩路各置轉運副使都轉運使之名自知古始

淳化五年秋七月癸亥置江淮兩浙發運使 按宋史太宗本紀云云

真宗咸平四年詔轉運使回日先具薦舉奏紬若干議當否爲賞罰 按宋史真宗本紀不載 按查道傳道知果州咸平四年代歸賜緋魚上言曰朝廷命轉運使副不惟審度金穀蓋以察廉郡縣庶臻治平以召和氣今觀所至或匪盡公蓋無懲勸之科致有因循之弊望自今每使回日先令具任內曾薦舉才識者若干奏紬貪猥者若干朝廷議其否臧以爲賞罰從之

大中祥符九年八月丙子令江淮發運司留上供米五十萬以備饑年 按宋史真宗本紀云云

仁宗景祐元年詔轉運使舉官以領常平又以轉運兼發運事 按宋史仁宗本紀景祐元年七月

壬子詔轉運使與長史所部官專領常平倉粟冬十月庚申罷淮南江浙荆湖制置發運使詔淮南轉運兼發運事

寶元元年八月丁卯復淮南江浙荆湖制置發運使 按宋史仁宗本紀云云

徽宗重和元年五月乙酉詔諸路選漕臣一員提舉本路神霄宮 按宋史徽宗本紀云云

金

金中都路設都轉運司諸路設轉運司掌賦稅倉庫出納之事又設漕運司及提舉以掌河倉漕運按金史百官志都轉運司使正三品掌稅賦錢穀倉庫出納權衡度量之制同知從四品副使正五品都勾判官從六品紀綱衆務分判勾案惟南京勾判兼上林署丞戶籍判官二員從六品舊止一員承安四年增置一員不許別差專管拘收徵剋等事支度判官二員從六品掌勾判分判支度案事鹽鐵判官一員從六品都孔目官二員勾稽文牘知法二員從八品

注

都勾案戶籍案鹽鐵案

支度案開拆案司吏女直八人漢人九十人抄事一人譯史三人通事一人押遞五十人監運諸物公使八十人惟中都路置都轉運司餘置轉運司省戶度判官各一員南京西京北京遼東山東西路河北東路則置女直知法漢知法各一員山東東路河東南路北路河北西路陝西東西路則置漢知法一員餘官皆同中都置女直司司吏遼東路十人西京北京山東西路各五人餘路皆四人譯史遼東路三人餘各二人通事各一人漢人司司吏課額一百八十萬貫以上者五十人百五十萬貫以上四十五人百二十萬貫以上四十人九十萬貫以上三十五人六十萬貫

以上三十人三十萬貫以上二十五人不及三十萬貫二十人公使人各七十人押遞南京山東東西路河東南路河北西路各五十人西京河東北路河北東路各四十人餘路各三十人

漕運司提舉一員正五品景州刺史兼領掌河倉漕運之事同提舉一員正六品勾當官從八品掌催督起運綱船司吏六人分掌課使起運兩科各設孔目官前後行各一人僣使科掌吏戶禮案起運科掌兵刑工案公使八十人押綱官七十六人

景州依此置肇州以提舉兼本州同知同提舉兼州判

章宗泰和八年十一月丁酉詔諸路按察使並兼轉運使按金史章宗本紀云云

宣宗貞祐三年秋七月庚申置陳潁漕運提舉官以戶部勾當官往來督察按金史宣宗本紀云云按河渠志貞祐三年既遷於汴以陳潁二州瀕水欲借民船以漕不便遂依觀州漕運司設提舉官募船戶而籍之命戶部勾當官往來巡督

元

元設京畿漕運使掌漕運事又設都漕運使掌御河上下等處督運其屬秩各有差又諸倉各有監

支納等員而押綱官繫之以運糧萬戶府掌之 按元史百官志京畿都漕運使司秩正三品運使二員正三品同知二員正四品副使二員正五品判官二員正六品經歷一員正七品知事一員從八品提控案牘兼照磨二員掌凡漕運之事世祖中統二年初立軍儲所尋改漕運所至元五年改漕運司秩五品十二年改都漕運司秩五品十九年改京畿都漕運使司秩正三品二十四年內外分立兩運司而京畿都漕運司之額如舊止領在京諸倉出納糧斛及新運糧提舉司站車攬運公事省同知運判知事各一員而押綱官隸焉延祐六年增同知副使運判各一員其後定置官員已上正官各二員首領官四員吏屬令史二十一人譯史二人回回令史一人通事一人知印二人奏差一十六人典吏二人其屬二十有四

新運糧提舉司秩正五品至元十六年始置管站車二百五十輛隸兵部開設運糧埧河改隸戶部定置達魯花赤一員都提舉一員同提舉二員副提舉一員吏目一員司吏八人奏差十二人京師二十一倉秩正七品

萬斯北倉

中統二年置

萬斯南倉

至元二十四年置

千斯倉

中統二年置

永平倉

至元十六年置

永濟

倉至元四年置

惟億倉

既盈倉

大有倉並係皇慶元年置

屢豐倉

積貯倉並係皇慶元年增置

已上十倉每倉各置監支納一員正七品大使二員從七品副使二員正八品

豐穰倉皇慶元年置

廣濟倉皇慶元年置

廣衍倉至元二十年置

大積倉至元二十年置

既積倉

盈衍倉至元二十年置

相因倉中統二年置

順濟倉至元二十年置

已上八倉每倉各置監支納一員正

七品大使一員從七品副使二員正八品

通濟倉中統二年置

慶貯倉至元四年置

豐潤倉至元十年置

豐寶倉 已上四倉每倉各置監

支納一員正七品大使一員從七品副使一員正八品

通惠河運糧千戶所秩正五品掌漕運之事至元三十一年始置中千戶一員中副千戶二員

都漕運使司秩正三品掌御河上下至直沽河西務李二寺通州等處僦運糧斛至元二十四年自

京畿運司分立都漕運司於河西務置總司分司臨清運使二員正三品同知二員正四品副使二

員正五品運判三員正六品經歷一員從七品知事一員從八品提控案牘二員內一員兼照磨司

吏三十三人通事譯史各一人奏差一十六人典吏一人其屬七十有五

河西務十四倉秩正七品

永備南倉

永備北倉

廣盈南倉

廣盈北倉

充溢倉

已上五倉各置監支納

一員正七品大使二員從七品副使二員正八品

崇墉倉

大盈倉

大京倉

大稔倉

足用倉

豐儲倉

豐積倉

恆足

倉

既備倉 已上九倉各置監支納一員正七品大使一員從七品副使一員正八品

通州十三倉秩正七品

有年倉

富有倉

廣儲倉

盈止倉

及秭倉

迺積倉

樂歲倉

慶豐

倉

延豐倉 已上九倉各置監支納一員正七品大使二員從七品副使二員正八品

足食倉

富儲倉

富衍倉

及衍倉

已上四倉各置監支納一員正七品大使二員

從七品副使一員正八品

河倉一十有七用從七品印

館陶倉

舊縣倉

陵州倉

傅家池倉

已上各置監支納一員從七品大使一員從

八品副使一員

秦家渡倉

尖塚西倉

尖塚東倉

長蘆倉

武強倉

夾馬營倉

上口倉

唐宋倉

唐村倉

安陵倉

四柳樹倉

淇門倉

伏恩倉

以上各置監支納

一員從八品大使一員從九品副使一員

直沽廣通倉秩正七品大使一員

滎陽等綱凡三十曰濟源曰陵州曰獻州曰白馬曰滏陽曰完州曰河內曰南宮曰沂莒曰霸州

曰東明曰獲嘉曰鹽山曰武強曰膠水曰東昌曰武安曰汝寧曰修武曰安陽曰開封曰儀封曰

蒲臺曰鄒平曰中牟曰膠西曰衛輝曰濬州曰曹濮州每綱皆設押綱官二員計六十員秩正八

品每編船三十隻爲一綱船九百餘隻運糧三百餘萬石船戶八千餘戶綱官以常選正八品爲

之

又按志海道運糧萬戶府至元二十年置秩正三品掌每歲海道運糧供給大都達魯花赤一員萬戶一員並正三品副萬戶四員從三品經歷一員從七品知事一員從八品照磨一員從九品鎮撫

二員正五品其屬附見

海運千戶所秩正五品達魯花赤一員千戶二員並正五品副千戶三員從五品若溫台若慶元紹興若杭州嘉興若崑山崇明常熟江陰等處凡五所而平江又有海運香莎糯米千戶所

世祖中統二年始立軍儲都轉運使司又敕近倉官轉漕按元史世祖本紀中統二年秋七月辛酉朔立軍儲都轉運使司以馬力合乃爲使周錯爲副使九月丙子勅今歲田租輸沿河近倉官爲轉漕不可勞民

至元三年六月丙子立漕運司按元史世祖本紀云云

至元四年春正月戊午立開元等路轉運司按元史世祖本紀云云

至元八年二月己亥罷諸路轉運司入總管府按元史世祖本紀云云

至元十四年春三月癸巳以行都水監兼行漕運司事按元史世祖本紀云云

至元十五年六月甲戌罷漕運司以其事隸行中書省各路總管府按元史世祖本紀云云

至元十九年設南北兩漕運司及江浙行省漕運按元史世祖本紀至元十九年冬十月丙申設